

FABA ARRIBISALI E VINU

La faba arribisali cu lu binu

àndani a brazzetta umperi

in ca si sia camminu;

fatti scumperi e cumèri

s'isthimani cum ragioni

e cumenti dui antigghi innammuraddi,

da lu disthinu lieddà,

si besciani cum tutta la passioni.

Fideli amigghi di lu zappadori

da li tempi di Mosè,

tràttani ancora bè

cu li signori.

Megliu d'una medicina ca si sia

cùrani a fondu la malincunia:

fèzzini cantà canzoni,

fèzzini baddà e ridi

e alla fini mândani a drummi

li passoni.

Isthrascinaddi i lu lettu

n'esci un'eccoldhu perfettu.

La faba è democratica, mi pari,

lu binu è populeri

ed è pà chissu chi, misciaddi umperi,

ti pari d'intindi

un cumiziu chi fèzzi LEMMEPI

Arrisue

LU CUSCOIDDU A PIERU

NO ABIA mai magneddu
lu cuscoiddu a pieru
cundiddu cun casciu gratteddu
e cottu a foggu lenu lenu,
cu la bagna di punati
pa no attaccassi a fondu
e poi serviddu in piatti
tondi cantu un mappasondu.
Dugna cuscoiddu un mossu
succieddu cun allegrie
e una tazza di SOSSU
pa tenelli cumpagnia.
L'amigghi piu distinti
cunt'esini fin'a vinti,
ma eiu, fendi lu tontu,
aggiu biddu senza contu.
Erami in sinu i le banca
be assentadi e magnendi,
tutti in tubeglia bianca,
di pulitica discutendi
oppuru....mi soggu isciddeddu
solu....i lu lettu cuscoiddu.

non-Joe

LI CAZZADORI

Si v'è categoria bè intunedda
è propriu chidda di li cazzadori
chi sò sempri d' accollitu e bon'amori
pa desidì la di di l'abisthura;
cà la vò ciara e ca la vò oscura,
pa Erottu meglium moai attissipadda,
Emieri vò pusthella e cebidannu,
pa Freddu e santusini ande fissadda,
Visenti vò cazzià in luni e giobi
o solamenti i li di chi piobi.
Tant'aburottu pa fa mancu dannu
e chiddi dui poberi animali
comu leperi e branissi isthansiali.
In tutte la siddai
no vi n'è unu chi digghie veriddai.
Ciccio vante un fusili ispiasiali
chi fassi a colpu l'unu fora mali;
già è un poggareddu fanferoni
però ti sitta sempri tistimoni.
Si pa casu e manzani
tira o ibaglia un lepera e quili
chistiu è un gusi de no contessi mai.
Candu Agniru cazziendi entre in un loggu
tuttu pientaddu e sindria e e meloni
(ifusthunaddi e poberi padroni)
ti pari chi passeddubia lu foggu.
No è chi no aggia chi meglià,
anzi no li manca mai l'ariustha,
ma lu piattu chi megliu eddu gustha
è lu e hi all'altrai tocca di pagà.
Torre a casa e sirintina
cu li dulori e un cummaru,
lu saccapani pienu di cuggimaru,
di panati e di pera cuscocine,
e l'incuseni a li sò amigghi disì
cun risaredda is threcca ma felizi
e cun gran curvinsioni:
"n'aggiu emassaddu pià d'una dussina
e aggiu fulminaddu tre massoni."

Tommaso